



禮部
追崇巡狩封禪學宮

拾七

18

15
1365
18



門 15
1365
卷 18

五藤藏書

古今議論叅卷三十九

定陶共皇議

定陶共皇議

閩中

林德謀采公纂輯

施有翼爾奮訂閱

師丹

聖王制禮取法于天故尊卑之禮明則人倫之序正
人倫之序正則乾坤得其位而陰陽順其節人主與
萬民俱享祐福尊卑者所以正天地之位不可亂也
今定陶共皇太后共皇后以定陶共皇為號者母從
子妻從夫之義也欲立官置吏車服與太皇太后並

昭和十七年
一月七日
林德謀

非所以明尊卑亡二上之義也。定陶共皇號謚已前
定義不得復改。禮父爲士子爲天子祭以天子其尸
服以士服子無爵父之義尊父母也。爲人後者爲之
子爲所後服斬衰三年而降其父母其明尊本祖而
重正統也。孝成皇帝聖恩深遠故爲共王立後奉承
祭祀令共皇長爲一國太祖萬世不毀恩義已備。陛
下既繼體先帝持重太宗永宗廟天地社稷之祀義
不得侵奉定陶共皇祭人其廟今欲立廟于京師而
使臣下祭之是無主也。又親盡當毀空去一國太祖

不墮之祀而就無主當毀不正之禮非所以尊厚共
皇也。

按定陶本稱共王哀帝用董宏議易皇字冷哀因
奏不宜以藩國之名冠大號請立廟京師帝下議
有司皆如哀言故丹復有此議帝怒免丹官歲餘
下詔去定陶稱共皇后稱帝后帝太后稱皇太后
合葬孝元稱傳皇后陵後爲王莽竟毀廢貶號
施爾奮曰在史皇孫戾太子議有司奏爲人後者
爲之子降其父母云云宋胡寅讀之曰前據經義

後上戾名中特稱親。史皇孫以中帝意豈非姦說乎。至宋濮王之議則以稱親為至當。迨國朝張孚敬議禮則此等論可廢矣。然存其非以見是存其是以見非不可偏廢也。

濮安懿王議

宋史

初英宗詔議濮王典禮。知諫院司馬光因奏事言漢宣帝為孝昭後終不追尊衛太子。史皇孫光武上繼元帝亦不追尊鉅鹿南頓君。此萬世法也。既而韓琦等言禮不忘本。濮安懿王德盛位隆所宜尊禮。請下有司議王及夫人王氏韓氏仙遊縣君任氏合行典禮。翰林學士王珪等相視莫敢先發。司馬光獨奮筆立議略云為人後者為之子不得願私親若恭愛之心分子彼則不得專于此。秦漢以來帝王有自傍枝

古今諸論卷二十九
入承大統者或推尊其父母以爲帝后皆見非當時
取譏後世臣等不敢引以爲聖朝法况前代入繼者
多宮車晏駕之後援立之策或出母后或出臣下非
如仁宗皇帝年○齡○未○衰○深○惟○宗○廟○之○重○于○宗○室○中○簡○
推○聖○明○授○以○大○業○陛○下○親○爲○先○帝○之○子○然○後○繼○體○承○
祧○光○有○天○下○濮○安○懿○王○雖○于○陛○下○有○天○性○之○親○願○復○
之○恩○然○陛○下○所○以○負○辰○端○冕○子○孫○萬○世○相○承○皆○先○帝○
德○也○臣○等○竊○以○爲○濮○王○宜○準○先○朝○封○贈○恭○親○尊○屬○叔○
事尊以高官大國譙國襄國仙游並封太夫人攷之

伯字何名

古今爲宜稱于是珪卽命吏具以光手藁爲按議上
中書奏珪等所議未見詳定濮王當稱何親名與不
名珪等奏議濮王于仁宗爲兄于皇帝宜稱皇伯而
不名歐陽脩引喪服大記以爲爲人後者爲其父母
降服三年爲朞而不沒父母之名以見服可降而名
不可沒若本生之親改稱皇伯歷攷前世皆無典據
進封大國則又禮無加爵之道請下尚書集三省御
史臺議而太后手詔詰責執政帝乃詔曰如聞集議
不一權宜罷之令有司博求典故以聞侍御史呂誨

古今詩話卷三十一
范純仁監察御史呂大防引義固爭以爲王珪議是
乞從之章七上而不報遂劾韓琦專權導諛罪曰昭
陵之士未乾遽欲追崇濮王使陛下厚所生而薄所
繼隆小宗而絕大宗又共劾歐陽脩首開邪議以枉
道說人主以近利負先帝陷陛下于過舉而韓琦曾
公亮趙槩附會不正乞皆貶黜不報時中書亦上言
請明詔中外以皇伯無稽決不可稱今所欲定者正
名號耳至于立廟京師干亂統紀之事皆非朝廷本
意帝意不能不嚮中書然未卽下詔也旣而皇太后

此書合

于詔中書宜尊濮王爲皇夫人爲后皇帝稱親帝下
詔謙讓不受尊號但稱親卽立園廟以王子宗樸爲
濮國公奉祠事仍令臣民避王諱時論以爲太后之
追崇及帝之謙讓皆中書之謀也于是呂誨等以所
論奏不見聽用繳納御史劾誥家居待罪帝命閣門
以誥還之誨力辨臺職且言與輔臣勢難兩立帝以
問執政琦脩等對曰御史以爲理難並立若臣等有
罪當畱御史帝猶豫久之命出御史乃下遷誨知蘄
州純仁通判安州大防知休寧縣時趙鼎趙瞻傅堯

俞使契丹還以嘗與呂晦言濮王事即上疏乞同貶
 乃出鼎通判淄州瞻通判汾州帝眷注堯俞獨進除
 侍御史堯俞日誨等已逐臣義不當止帝不得已命
 知和州知制誥韓維及司馬光皆上疏乞留誨等不
 報遂請與俱貶亦不許侍讀呂公著言陛下即位以
 來納諫之風未彰而屢誦言者何以風天下帝不聽
 公著乞補外乃出知蔡州誨等既出濮議亦寢程頤
 日言事之臣知稱親之非而不明尊崇之禮使濮王
 與諸父等若尊稱為皇伯父僕國人王則在濮王極

建文陵廟及景泰廟號議

萬象春

以惟國家之事莫大於祀典祀典之起實繇於人
 心故質之人心而有不容已皆祀之不可廢而聖哲
 之所必舉者也矧事關下陵廟情屬親親在列聖
 容有欲為之志而陛下當有善繼之圖者乎臣所
 議於今日者有二一日革除之陵廟宜復二曰景
 帝之廟號宜尊臣請得言之洪惟太祖開基成
 祖定鼎列聖神功巍巍莫尚矣然自太祖以后
 成祖以前其間君臨天下者不有建文君在乎既

緣靖難兵至避位自焚。延迄于今祭享無聞。陵園不治。行道之人歔歔歎息。臣嘗做往牒當建文君沒。成祖駐營龍江發哀命有司治喪葬以天子之禮。遣官致祭。當其時固未嘗不陵不祭也。乃今令甲所載止孝陵及懿文太子陵而。建文君不與焉。茲何以故。豈成祖許之于先而所司顧廢之於後耶。亦異乎。成祖至公至厚之爲心矣。國家修明典禮。凡前代帝皇有功德於民者。除歲時廟祭外。間遣官祀于其陵。而矧又帝皇建號。按臨臣民。至四五年首。

爲一代嗣統之正者乎。又如革除死事諸臣。我皇上登極之初。首發明詔。令得祀于其鄉。邇又允言官之奏。凡諸臣墳墓苗裔咸蒙修治恤錄。而爲之君者。反不得一坏之土。一勺之水。宜天下人心惋然而深悲也。似宜物下所司。卽其原塋處所立爲陵廟。歲時一體祭祀。仍乞上尊謚以表追報之隆。復年號以正君臨之體。此非臣等今日私議也。當在成祖時。旣葬以天子之禮。必宜享天子之祭。旣享天子之祭。自當復其有天下之號。詎特天下之心固亦。

太祖之心也。而何顧忌之有。與。至於景皇帝之事。則又異矣。土木之變。國家岌岌乎幾不可保。

景皇帝奉太后命。進登寶位。鎮安人心。倚倚忠良。克戡禍亂。卒至鑿與。反正宗社。寧謐。聖子神孫。所以晏安坐享全盛之業者。景皇帝之力。豈可誣哉。迨升遐之日。謚號葬祭。率從貶損。蓋一時軒輊之勢。則然而實非人心之公與國典之正也。以是至

憲宗純皇帝時。特允廷臣建議。復其帝號。祭以帝禮。先靈顯赫。亦既足以述先志而昭往烈矣。然而廟號

未加。陵制有儉。生有安天下之功。而崇報不稱。沒宜享天下之號。而物故未彰。其于國制終屬缺典。臣等待罪該科。每見太常寺歲祭題請祭祀。其遣官行禮諸陵。皆同固未有隆殺也。卽如前歲駕幸山陵。行春祀禮。臣象春供扈從之列。見我皇上于景皇帝陵。躬爲致祭。誠重之矣。乃其祭與諸陵同。而其制與諸陵異。雖致祭于陵。而不得祔祭于廟。仰窺聖衷。當必有缺然于茲者矣。似宜遵照典制。備加尊謚。仍恭上廟號。昭示無疆。其陵制隘。尤須亟爲恢

改如以逼近恭讓皇后陵勢難展拓第就其見在殿
廡門垣等項稍加穿廣仍量防寶城增建明樓以稱
帝者藏衣冠之地至于恭讓太后陵亦宜一體修治
俾得鬱然相望如此度足以慰在天之靈而彰沒世
之德其于陛下繼述之孝制作之隆豈不有光哉
大臣等于建文君止議尊號而不敢更及廟號景
皇帝業以帝號稱矣而復以廟號請者何也良以進
建文于成祖之上則倫序匪宜而位于成祖之
下則君臨失次夫是不敢妄議若英廟之于景皇

帝兄弟也其正位大寶英廟先而景帝後也昭
穆所在既無踰越之嫌而功德比隆尤無偏廢之禮
臣等切以爲廟號之不可不立者以此如以爲進一
廟當出一廟關係重大卒難輕舉合無止奉其主藏
于祧廟惟于歲暮祫祭時出其主于英廟之下則
親親尊尊兩不妨碍矧景皇帝係宣廟子宣廟
既以奉祧則景皇帝亦屬應祧之數天意人事有
適會于今日者仰惟聖明在上盡倫盡制百代一
時殷禮肇稱于今有待臣等敬循職掌輒敢冒昧上

古今詩話卷之二十九
順也名正也而系又明也是皆不可以無祀而淺見之士猶以爲其生也既稱兵而夷之死也乃同堂而享之享又偃然而據其上恐非後世子孫所以妥我列祖意也且于禮不宜不知建文雖不永君也成祖雖神武得天然當其天命一日未至則亦臣也以君賊臣何罪之有我國家之有建文帝也猶天時之有閏也善曆者不以閏于時亦不以時廢閏閏而春將不係于夏之前閏而夏將使居于秋與冬之後乎愚未有以知其妥也曰然則其祀也何據曰昔

者○警○惠○懷○嘗○欲○殺○重○耳○矣○晉○人○未○嘗○不○祀○惠○懷○也○曰○何○以○知○之○以○其○謚○知○之○有○謚○則○必○有○祀○祀○必○在○重○耳○之○上○不○在○其○下○此○可○以○逆○而○推○之○也○曰○此○霸○國○之○事○也○奚○法○曰○惠○公○之○稱○晉○侯○見○于○春○秋○不○啻○一○再○則○是○春○秋○予○其○立○也○予○其○立○則○必○予○其○祀○寧○獨○晉○人○嗚○呼○商○人○之○不○祀○祭○周○不○祀○紂○爲○異○姓○也○東○遷○之○不○祀○子○頹○與○子○朝○爲○奸○位○也○建○文○之○在○當○時○以○易○姓○則○非○桀○紂○以○奸○位○則○非○頹○朝○以○淫○昏○而○棄○禮○則○未○若○子○圉○與○夷○吾○當○時○之○事○幸○而○濟○則○爲○漢○景○之○誅○七○國○不○幸○而

不○濟○則○為○建○文○帝○漢○景○幸○而○成○為○賢○主○得○與○漢○文
 景○比○周○成○康○而○建○文○曾○不○得○以○數○載○南○面○之○尊○歆○一
 朝○之○血○食○安○在○其○為○人○情○與○天○道○哉○且○我○國○家○干
 死○事○諸○臣○既○已○旌○褒○而○俎○豆○之○矣○安○有○祀○其○臣○而○獨
 遺○其○主○死○而○有○靈○其○誰○能○歆○之○愚○以○為○建○文○之○為○君
 也○苟○非○序○順○而○名○正○則○諸○臣○之○死○為○污○偽○命○而○殉○私
 人○不○得○為○忠○諸○臣○之○死○苟○非○污○偽○命○而○殉○私○人○則○建
 文○不○可○以○無○祀○謹○議

建文帝固已祀矣

興獻議第二疏

張孚敬

臣○叨○逢○聖○明○議○當○代○典○禮○為○萬○世○法○程○廷○臣○乃○固
 執○漢○定○陶○王○宋○濮○王○故○事○以○致○皇○上○恩○紀○不○明○臣
 切○謂○非○天○子○不○議○禮○願○皇○上○奮○然○裁○斷○揭○父○子○大
 倫○明○告○中○外○以○皇○叔○父○母○不○正○之○名○決○不○可○稱○則○大
 倫○正○而○大○禮○定○矣○誠○又○慮○夫○皇○上○大○孝○之○心○鬱○鬱
 不○明○于○天○下○後○世○臣○之○罪○也○謹○錄○與○或○人○問○答○之○詞
 以○聞○或○問○今○之○典○禮○議○者○必○以○我○皇○上○宜○考
 孝○宗○而○以○興○獻○王○為○叔○父○謂○之○崇○大○統○也○割○私○恩

也漢宋之故事也舉朝無明其非子獨以爲言者何也臣答曰此孚敬甚不得已者也蓋禮之大者變者也議之失得萬代瞻仰此孚敬甚不得已者也子不求諸漢宋之故事乎成帝無子立定陶共王之子爲嗣仁宗無子立濮安懿王子之子爲嗣則哀帝英宗者乃是預立素養明爲人後者也故當時師丹司馬光之論于事較合于義似近矣今孝宗皇帝既嘗以祖宗大業授之武宗但知武宗爲之子也武宗嗣位又十有七年未有儲建是武宗無嗣

孝宗未嘗無嗣也且孝宗賓天之日我皇上猶未之誕生是孝宗固未嘗以後託也武宗賓天之日我皇上在潛邸是武宗又未嘗託爲誰後也其與漢宋之故事大不相類矣今者必欲我皇上爲孝宗之嗣承孝宗之統則孰爲武宗之嗣孰承武宗之統乎竊原孝宗既以大業授之武宗矣其心豈肯舍己之子而子兄弟之子以絕其嗣乎武宗既以大業受之孝宗矣其心豈肯舍己父而不之繼而委叔兄弟繼之以自絕其統乎茲

議也二祖在天之靈果足慰乎夫父子之恩天性也
不可絕者也知孝宗與武宗之心則知興獻
王與我皇上之心矣問者曰然則我皇上于大
統也將誰繼乎臣答曰繼武宗之後以承祖宗者
也蓋嘗三復迎立之詔矣曰興獻王長子倫序當
立迎取來京嗣皇帝位議之公也又嘗三復勸進
之箋矣曰以憲宗皇帝之孫繼孝宗皇帝之統
說之變也從前之言則我皇上所繼者武宗也是
武宗雖無嗣而有統矣從後之言則我皇上所繼者

孝宗也是

武宗雖有統而無傳矣問者曰統與嗣
亦有不同乎臣答曰不同也夫統乃帝王相傳之次
而嗣必父子一體之親今之議者不明統嗣二字之
義而必以為嗣謂之繼統且曰帝王正統自三代以
來父子相承然曾見三代以來之正統必于父子相
承者哉蓋得其常則為父子不得其常則有為兄弟
為伯叔侄者此統所以與嗣有不同問者曰議者謂
武宗以大業授我皇上有父道焉故皇上執喪
盡禮無非盡子道也但昭穆之同不可為世故止稱

父道之
說此等
人與以
一宮便
肯稱父

一辨兒何
况天下

父子兩
字乃費
此等公
說人心
真不可
曉

皇兄又謂我皇上既兄武宗自宜父孝宗茲言何
謂也臣答曰父子之恩天性也不可絕也不可強也
方武宗賓天羣臣定議以迎我皇上也遵祖訓也
兄終弟及之文也何也孝宗兄也興獻王弟也獻王
在則獻王天子矣有獻王斯有我皇上矣此所謂倫
序當立推之不可避之不可也果若人言則皇上
于武宗兄弟也固謂之父子也于孝宗伯侄也
亦謂之父子也于興獻王父子也反不謂之父子
可乎問者曰我皇上嗣興獻王藩王也今嗣

天子字
又來了

大統天子也恩亦極矣不正父子之名得乎臣答曰
天下外物也父子大倫也譬殺殺人舜竊負而逃知
有父而不知有天下也而况今天下者祖宗之天
下天下之天下也孝宗于我皇上固不得以私
相授受者也今欲我皇上舍天性之父子而反稱
伯侄為父子謂之崇大統也割私恩也漢宋之故事
也是天下重而大倫輕也而可乎問者曰如子之言
則孝宗不果于無嗣乎臣答之曰孝宗有武宗
為之子孝宗未嘗無後也臣子于君父一也今者

禮部

不念無嗣之武宗。而重念有嗣之孝宗者何哉。茲果孝宗之無後乎。抑武宗之無後乎。雖然自古帝王之無後者。豈惟我武宗然哉。而其相傳之統。則固未嘗絕也。惠帝無嗣。而文帝繼之。未聞漢之統絕也。唐中宗無嗣。而睿宗繼之。未聞唐之統絕也。是謂兄終弟及也。非必父死子立之謂也。今孝宗之統傳之武宗。武宗之統傳之皇上。一統相承萬世無窮者也。又何必強置父母之名。而後謂之繼統也哉。問者曰。子必以我皇上不當考孝宗。豈

以興獻王不可無後者也。議者以我皇上考孝宗。而又以益王子崇仁王考興獻王。是或一道乎。臣答曰。父子之恩。天性也不可絕也。不可強為也。以我皇上考孝宗。而又以崇仁王考興獻王。是強為父子也。使孝宗不得子。武宗又使興獻王不得子。皇上是絕人父子也。夫古之為禮者。將使無後之人有後。今之為禮者。將使有後之人無後矣。而可乎。問者曰。然則我皇上于孝宗也。武宗也。其享祀也。如之何。臣答曰。自古帝王之繼統者。得其常則

孔子正名亦如是耳

為父子。不得其常則其為兄弟為伯叔侄者。但主其喪而已。主其祀事而已。不必一于父子之稱也。唐玄宗于中宗也。其祝詞則曰高伯祖。不必一于父子之稱也。然則我皇上于孝宗也。何稱乎曰皇伯考。其正也。于武宗也。何稱乎曰皇兄。其正也。于享祀與獻王也。何稱乎曰皇考。其正也。如此則我皇上于父子也。伯侄也。兄弟也。皆名正而言順矣。問者曰禮長子不得為人後。則我皇上將不可入繼大統乎。臣答曰禮長子不得為人後是謂皇上不可以繼嗣也。非謂不可入繼大統也。程子曰禮長子不得為人後若無兄弟又繼祖之宗絕亦固嘗以義起而泛論之也。今皇上為興獻王長子遵祖訓兄終弟及屬以倫序實為繼統。非為繼嗣也。設皇上若有兄弟亦自當入繼大統。有不待而遜避者矣。問者曰魏明帝之詔議者傳以令眾者也。子獨以為不足徵者何也。臣答曰此魏太和三年之詔。按詔曰皇后無嗣擇建支子以繼大統。則當纂正統而奉公義。何得復願其私親哉。又曰

得為人後是謂皇上不可以繼嗣也。非謂不可入繼大統也。程子曰禮長子不得為人後若無兄弟又繼祖之宗絕亦固嘗以義起而泛論之也。今皇上為興獻王長子遵祖訓兄終弟及屬以倫序實為繼統。非為繼嗣也。設皇上若有兄弟亦自當入繼大統。有不待而遜避者矣。問者曰魏明帝之詔議者傳以令眾者也。子獨以為不足徵者何也。臣答曰此魏太和三年之詔。按詔曰皇后無嗣擇建支子以繼大統。則當纂正統而奉公義。何得復願其私親哉。又曰

禮唐

後嗣萬一有自諸侯入奉大統。則當明為人後之義。蓋是時皇后無嗣。明帝以外藩援立。故預為此詔以防之。至太和五年始立齊王芳為太子。厥後高貴常道援立。皆不外尊可見也。故乎敬曰有為之私非經常之典也。問者曰子欲為興獻王別立廟于京師。亦有說乎。不干于正統乎。臣答曰立廟京師取古遷國載主之義也。夫長子不得為人後以離其父者也。今士大夫之仕于他方也。若長子雖有庶子亦載主而行也。謂別立廟則固無干于正統者也。問者曰如子

立廟京師當以師升為正

之言而論者乃懼以魯桓僖宮之災且謂有朱熹兩廟爭較之嫌。魯僖躋閔之失者何也。臣答曰孔子在陳聞魯廟火曰其桓僖乎。以桓僖親盡無大功德而魯廟不毀。故天災之也。宋羣臣請祧僖祖而正太祖東向之位。故朱子謂使兩廟威靈相與爭較。魯閔公無子庶兄僖公代位其子文公遂躋僖公于閔上。故春秋譏其逆祀。今別為興獻王立廟所以祭禰也。非毀廟不當復立也。何天災之足懼乎。謂別立廟則固未嘗升興獻王主于太廟也。何兩朝爭較之嫌。

史子何
人到此
尚不知
耶

魯僖躋閔之失乎問者曰然則在藩之墓如何臣答曰墓與廟不同也嘗聞易墓非古也夫墓所以藏其體鬼而廟所以奉其神靈也墓可以代守而廟不可以代祀也立廟京師所以崇四時之祭順孝子之心也問者曰舜受堯禪而不尊瞽瞍禹受舜禪而不尊鯀然則與獻王追尊之禮宜如之何臣答曰追尊非古也自文武以來未之有改也舜不尊瞽瞍不知以堯為父乎瞽瞍為父乎禹不尊鯀不知以舜為父乎鯀為父乎問者曰或以與獻王妃不可奉迎者

何也臣答曰此膠崇仁王為後之說者也以崇仁王嗣與獻王則不可奉迎者也夫有天下而不得養其母豈人情哉今迎之而至天子之母也為天子之母襲王妃之號則朝廷之相臨宮闈之相接皆當謹守臣妾之禮矣已為天子母為臣妾竊恐我皇上之心有不能一日自安者矣問者曰如子之言則歷代之故事不足徵乎臣答曰以經議禮猶以律斷獄則凡歷代故事乃其積年之判案耳苟不別其異同明其是非槩欲以故事議禮而廢經猶以判案斷獄

而廢律也是又何足與議也問者曰爲人後者爲之
子不復顧其私親其說如之何臣答曰此非聖人之
言漢儒之說也禮喪服記止云爲人後者爲其父母
報至開元開寶禮始云爲人後者爲其所生父齊衰
不杖朞爲所後父斬衰三年雖所生所後皆稱父母
未有改稱伯叔之文也宋濮議方有稱皇伯之說而
又加以程子之議故人皆宗之但朱子猶有未安之
論亦可見也况我皇上乃入繼大統非爲人後者
也其說又焉可用哉問者曰或以子之說嫌于迎合

當聞于人而不當聞于上也如之何臣答曰乎敬于
人未嘗不聞也聞之以說爲邪故不必聞也昔司馬
光嘗謂朝廷闕政但于人主前極口論列未嘗與士
大夫閒談以爲無益也故聞于上也苟嫌于迎合也
則必宦救其惡然後爲忠而將順其美者皆不得爲
忠矣問者曰犯衆議也子于利害也不計也夫臣答
曰乎敬不敢爲終身謀也夫禮小失則入夷狄大失
則入禽獸乎敬懼夫禮之失也故不敢爲身圖計也
興獻䟽議不可勝錄然必欲改皇考而稱皇叔其

古今議論卷之四十一
大旨輒云貴為天子富有四海皆是孝皇帝之
貽云云嗚呼以利為利棄絕天性真名教之罪人
也且如說設所後家產零落遂不以為父耶愚
編讀諸每云哀安桓靈追尊祖父悖禮傷義莫
此為甚夫以追尊祖父為悖義則必將降絕祖父
為禮義乎嗟乎利之没人一至此哉然又有說焉
世廟繼統不繼宗故得稱皇考若英宗實後仁宗
則必稱皇伯考濮國大王為至當矣統宗二字甚
明

卷卅九 終

古今議論卷之四十一

林德謀采公纂輯

閩中 施有翼爾奮訂閱

巡狩封禪

瞿景淳

書曰歲二月東巡狩至于岱宗柴望秩于山川肆觀
東后周制曰十有二歲王巡狩殷國以此見先王巡
狩之典因封建設也巡狩者巡諸侯之所守以重民
命者也柴者祭天也祭天必擇神臯故因郊則立壇
因山則崇高其義一也傳者不察記饗帝矣而又曰

升中于天以此知後代封禪之說因望祀誤也書曰
歸告于藝祖用特詩曰時邁其邦昊天其子之夫三
王○巡○行○四○方○必○先○事○于○祖○廟○出○則○有○告○入○則○有○言○豈
非兢兢不敢荒怠將以其敬天勤民之實而質之神
明乎考之於書協時月合律度審權量修禮儀陳玉
帛可謂備矣而又敷奏以陳之功能以試之車服以
庸之虞夏之事則至矣迨周而又加隆焉自今觀之
王未出而有職方氏之勅度既出而有職方氏之申
令于是而有慶賞黜罰之典于是而有讌饗之禮于

是而有祭告之儀當是時出有期行有方民安其生
而侯虔其度虞夏周之王所以舉事而天人應者以
其昭格上下有此具矣至後世則不然非以為民也
所以尚者遊觀也固非祭告也所以尚者祈禱也使
方人術士勦說經緯而一歸之于神明所行者非求
冀福禱則詡張功德也是以流連之患作登封之典
盛好功之君喜事之臣飾詭耀詐以罔上下故王通
有言封禪非古也其秦漢之侈心乎舜一歲登五岳
而民不病者兵衛少而徵求寡也至哉言矣

古今論衡卷四十一
故出必有期而行必有方如此至穆王始欲肆其心
周行天下必使有車轍馬跡而幾以喪邦始皇煬帝
假望秩省方之說以濟其流連荒亡之舉千乘萬騎
無歲不出遐方下國無地不到至於民怨盜起覆祚
殞身曾不旋踵雖秦隋所以召亡者固非一端然倘
非遊蕩無度則河決魚爛之勢亦未應如是促也

文皇帝北狩論贊

湯賓尹

巡狩之典從古有之漢唐之主深居高拱杳不聞聲
而此典竟寢而不行焉我成祖當國家無事欲省
方于時此亦盛心也且又詔所經之處官吏軍民止
離境內一里迎候供給之需備之于已彼師行而糧
食使民眴眴胥讒爲諸侯憂者竟何如耶

文皇后宣宗武宗皆親巡邊境陳建以爲或爲邊
防或爲遊幸得失固天淵矣永樂十四年周訥呂
震將請封禪成祖責之以不能如魏徵之愛君

皇上聖體冲粹少有過勞輒便咳嗽况今遠去數千里外雖侍衛有人而間關途路淹歷日月御膳有愆期或爲露霧所感或爲風沙所觸當此之時欲進不能欲退不可不知何以處之其三不皇太子監國春秋尚幼雖內外付託得人但皇上之心未免旦夕憂繫其四自北直隸河南直抵湖廣三省地方去歲以來災傷重大人民飢窘甚至相食以苟活旦夕其壯者又皆聚而爲盜千百成群傳聞西平鄢陵地方皆被攻劫撫按官未曾奏報所以陛下尚未之

尊○崇○之○道○於○仁○宗○無○嫌○貳○之○失○矣○

總以伊川之言爲的。叅酌在與獻議中。

古今言... 卷三十一
里外雖侍衛有人而關路遙遠日御膳有愆
期或為露霧所感或為風沙所觸當此之時欲進不
能欲退不可不知何以處之其三皇太子監國春
秋尚幼雖內外侍衛得人但我皇太子之心未免旦
夕憂繫其間自北直隸河南直抵湖廣三省地方去
歲以來災傷重夫人民飢窘甚至相食以苟活旦夕
嗷嗷以取爪之信然治參酒亦與蠶藉中乎邸校地
尊崇文獻於宗無獻煩文夫矣以陛下尚未之

聞也見大駕遠臨供億不貲雖本部差官畧為協濟
終恐悞事其五北虜自數年以來頗為驕肆窺我邊
鄙虜我人民邊臣恐恐幸而無事近日京東朵顏等
衛夷人亦頗縱橫去冬以來亦往往失事雖撫鎮等
官降級革職以示懲戒而腹裏之患亦不可不預為
防也今大駕遠出北虜聞之保其不跳梁乎有一不
可不知者自我成祖定鼎燕都即設太倉銀庫收
貯天下之財以供軍國之用皇上入繼太統尚有
四百餘萬頗為充溢今各邊奏討無虛日工部借支

無止期大駕一出支費又不下百餘萬兩。大倉所貯
不過百餘萬兩而已。萬一遠方有警。不知將何以應
之。臣私相謀維。雖有心計。如唐劉宴百輩。亦恐無以
善其後。此今日之國用。陛下所宜急知者也。臣等
職司邦計。日夜憂惶。計無所出。犬馬愚忠。竊敢陳獻
以聞。

梓宮一段為第一義。餘皆必然之勢。不易之論。可
為萬世巡幸至戒。

許懋封禪議

梁書

梁高祖祀南郊。大赦時有請封會稽禪國山者。上命
諸儒草封禪儀。欲行之。許懋建議。以為舜柴岱宗。是
為巡狩。而鄭引孝經。鉤命決云。封于泰山。考績柴燎。
禪乎梁父。刻石紀號。此緯書之曲說。非正經之通義
也。舜五載一巡狩。春夏秋冬周徧四嶽。若為封禪。何
其數也。秦始皇嘗封泰山。孫皓嘗遣兼司空董朝至
陽羨封禪。國山皆非盛德之事。不足為法。然則封禪
之禮。皆道聽所說。失其本文。繇主好名于上。而臣阿

旨于下也。后者祀天祭地禮有常數誠敬之道盡此而備至于封禪非所敢聞。高祖嘉納之。

好名阿旨二語說盡弊根

（Faint bleed-through text from the reverse side of the page, including characters like '高祖嘉納之' and '好名阿旨'）

魏徵封禪議

唐書

太宗議封禪魏徵獨以為不可太宗曰公不欲朕封禪者以功未高邪曰高矣德未厚邪曰厚矣中國未安邪曰安矣四夷未服邪曰服矣年穀未豐邪曰豐矣符瑞未至邪曰至矣然則何為不可封禪對曰今陛下雖有此六者然承隋末大亂之後戶口未復倉廩尚虛而車駕東巡千乘萬騎其供頓勞費未易任也且也陛下封禪則萬國咸集遠夷君長皆當扈從今自伊洛以東至于海岱煙火尚希萑莽極目此乃

引戎狄入腹。裏示之以虛弱也。况賞賚不貲。未厭達人之望。給復連年。不償百姓之勞。崇虛名而受實害。陛下將焉用之。會河南北數州大水。事遂寢。示弱一段尤為膏肓之慮。

宋史 孫奭封禪議 方今野鵬山鹿并形奏簡。秋旱冬雷。率皆稱賀。將以欺上天。則上天不可欺。將以愚下民。則下民不可愚。將以惑後世。則後世不可惑。夫國將興。聽于民。將亡聽于神。夫陛下何為而不思也。昔唐明皇之英睿而禍患猥至。曾不知者。良繇在位既久。驕亢成性。謂人莫已。若謂諫不足聽。心玩居常之安耳。熟導諛之說。內惑寵嬖。外任姦回。曲奉鬼神。過崇妖妄。今日見老君子閣上。明日見老君子山中。大臣尸祿。以將迎端。

孫奭封禪議

宋史

方今野鵬山鹿并形奏簡。秋旱冬雷。率皆稱賀。將以欺上天。則上天不可欺。將以愚下民。則下民不可愚。將以惑後世。則後世不可惑。夫國將興。聽于民。將亡聽于神。夫陛下何為而不思也。昔唐明皇之英睿而禍患猥至。曾不知者。良繇在位既久。驕亢成性。謂人莫已。若謂諫不足聽。心玩居常之安耳。熟導諛之說。內惑寵嬖。外任姦回。曲奉鬼神。過崇妖妄。今日見老君子閣上。明日見老君子山中。大臣尸祿。以將迎端。

士畏威而緘默既惑左道卽紊政經民心用離變起倉卒當是之時老君寧肯禦兵寶符安能排難邪今未能所爲或類于此

四十卷 終

古今議論參卷四十一

林德謀采公纂輯

閩中

施有翼爾奮訂閱

貢舉議

專論學校

賈至

夏之政尚忠殷之政尚敬周之政尚文然則文與忠敬皆競人之行也且謚號述行美極于文文興則忠敬存焉是故前代以文取士本之行也繇詞以觀行斯及詞也今試學者以帖字爲精通而不窮古義考文者以聲病爲是非而惟擇浮艷豈能知移風易俗

化天下之事乎是以忠信之陵頽耻尚之失所未學
之馳騁儒道之不舉四者皆繇取士之失也夫一國
之士係一人之本謂之風贊揚其風係卿大夫也卿
大夫何嘗不出于士乎今取士試于小道而不以遠
者大者使干祿之徒趨于末術是有道之羞也夫食
垂餌者皆小魚就科目者皆小藝四人之業士最關
風化近代趨仕靡然同風致使祿山一呼而四海震
蕩思明再亂而十年不復向使禮讓之道弘仁義之
風著則忠臣孝子比屋可封逆節不得而萌也人心

不得而搖也且夏有天下四百載禹之道喪而殷始
興焉殷有天下六百祀湯之法棄而周始興焉周有
天下八百年文武之政廢而秦始并焉觀三代之選
士任賢皆考實行故能風俗淳一運祚長遠秦坑儒
生二代而亡漢興雜三代之政弘四科之舉西京始
振經術之學東京終持名節之行至有外戚竊位強
臣擅權弱主臨朝母后專政而社稷不隕終彼四百
豈非學行道扇化于鄉里哉厥後文章道弊尚于浮
侈取士術異苟濟一時自魏至隋僅四百載三光分

景九州阻域竊號僭位德義不脩是以子孫迷顛饗國咸促國家革魏晉梁隋之弊承夏殷周漢之業四隩既宅九州攸同安有舍皇王舉士之道蹤亂代取人之術此公卿大夫之辱也楊綰所奏實爲正論然鄉舉里選猶恐取士之未盡也請兼廣學較以弘訓誘○今○京○有○大○學○州○縣○有○小○學○兵○革○一○動○生○徒○流○離○儒○臣○師○氏○祿○稟○尚○無○貢○士○不○稱○行○實○胄○子○何○嘗○講○習○獨○禮○部○每○歲○擢○甲○乙○之○第○謂○弘○獎○勸○不○其○謬○歟○祇○足○長○浮○薄○之○風○啓○僥○倖○之○路○矣○其○國○子○博○士○等○望○加○員○數

厚其祿秩選通儒碩生間居其職十道大郡量置學館令博士出外兼領郡官召置生徒體乎故事保桑梓者鄉里舉焉在流寓者庠序推之朝而行之夕見其利如此則青青不復興刺擾擾絲之歸木矣人倫之始王化之先不過是也

趙匡本一議甚爲膾炙施爾奮謂其所說多不合昭代科目弊端遂不憚去之

景九州四域窮鄉僻壤不備其以子孫遺教者
 國成促國家幸魏晉梁隋之弊承夏殷周漢之業四
 陬外林日興歲益不辨去之舉士之道雖亂代取
 人豈謂本不備其為制矣然爾者謂其祖考不合
 古法正小大或不數也請兼廣學校以弘訓
 其庶收此似青青不與陳對對益之體朱矣人命
 計昔濼里舉焉益來寓者率有非之博而益之矣
 謂令執仕出收兼酌准官亦置出非對非效建於桑
 學其類其數極而全用其類其數失焉置置學

學較論

馬端臨

古之教者家有塾黨有庠術有序國有學所謂學較
 至不一也然惟國學有司樂司成專主教事而州閭
 鄉黨之學則未聞有司職教之任者及考周禮地官
 黨正各掌其黨之政令教治徇月屬民而讀法祭祀
 則以禮屬民州長掌其州之教治政令考其德行道
 藝糾其過惡而勸戒之然後知黨正即一黨之師也
 州長即一州之師也以至下為比長閭胥上之為鄉
 遂大夫莫不皆然蓋古之為吏者其德行道藝俱足

古今言論卷之四十一
以爲人之師表故發政施令無非教也以至使民興
賢出使長之使民興能入使治之蓋役之則爲民教
之則爲士官之則爲吏鈞此人也秦漢以來儒與吏
始異趣政與教始殊途於是曰郡守曰縣令則吏所
以治其民曰博士官曰文學掾則師所以教其弟子
二者漠然不相爲謀所用非所教所教非所用土方
其從學也曰習讀及進而登仕版則棄其詩書禮樂
之舊習從事平簿書期會之規古人有言曰吾聞學
而後入政未聞以政學者也自其以政學則儒者之

學術皆筌蹄也國家之學官皆芻狗也民何繇而見
先王之治哉又况榮途捷徑旁午雜出蓋未嘗繇學
而升者滔滔也於是所謂學者姑視爲粉飾太平之
一事而庸人俗吏直以爲無益於興衰埋亂之故矣
貴與又云子產不以鄭人議執政之然否而毀學
較蓋以學校所以來公論也熙寧時大學生蘇頌
子蘇嘉言變法事忤王安石學官并坐罪斥逐改
用李定常秩之徒試文則宗新經策時務則誇新
法今又立飛語謗朝政者以學規殿罰之則太學

之設乃箝制羅織之具耳。以是為興德藝可乎。又
 蔡京當政時，馮澥上言曰：士無異論，此太學之盛也。正言崔鷗極力詆之曰：昔王安石斥除異名，臣如韓琦、司馬光輩，盡以異論驅逐。士子宗其新經者，得官不用者，黜落。此非徒劫持學校也。疑有異論，則已過且暴聞焉。爾自是凌夷，至於大亂，則無異論之禍也。

太學

董仲舒

漢興高帝尚以干戈平定四海，未遑庠序之事。至武帝時，仲舒對策曰：養士莫重於太學。太學者，賢士之所關也。教化之本源也。今以一郡一國之衆，亡應詔書者，是王道往往而絕也。謂舉賢良文學之詔臣願陛下興太學，置明師，以養天下之士。數考問，以盡其材。則賢俊宜可得矣。

按宋仁宗慶曆中，范仲淹等議建學校。乃詔州縣立學。時胡瑗教授蘇湖，是時方尚詞賦。獨湖學以

古今言論卷之九十四
經義時務有經義齋治事齋經義擇通經術者居
之治事人各治一事又兼一事如水利邊防之類
故天下謂湖學多秀彥其出而筮仕往往取高第
及爲政多適於世用繇講習之有素也於是有司
請下湖州取瑗法以爲太學法著爲令愚竊以此
法可爲千古學宮定準所謂躡學寃爲進士者此
也

鴻都門學

蔡邕

漢靈帝好學自造皇義篇五十章因引諸生能爲文
賦者及凡能爲尺牘及玉書鳥篆者皆加引召侍中
祭酒樂松賈護多引無行趣藝之徒竝待制鴻都門
下喜陳閭里方俗小事帝甚悅之待以不次之位時
邕上封事言古者取士必使諸侯歲貢孝武之世郡
舉孝廉又有賢良文學之選於是名臣輩出文武竝
興漢之得人數路而已夫書畫詞賦才之小者康國
理政未有其能陛下卽位之初先涉經術聽政餘日

古今詩話卷四十一
觀省篇章聊以游意用代博奕非以教化取士之本
而諸生競利作者鼎沸其高者頗引經訓風喻之言
有類俳優或竊成文虛冒名氏臣每
詔於盛化門差次錄第其未及者亦復隨輩皆見
拜以加之恩難復收改但守俸祿於義已弘不可
復使理人及仕州郡昔孝宣會諸儒於石渠章帝集
學士於白虎觀通經釋義其事優大文武之道所宜
從之若乃小能小善孔子以為致遠則泥君子故當
志其大者

按鴻都漢宮門也學校為天下公天子私之可乎
彼中人士每以爭第更相告訟無復廉耻則驚華
鬪捷之習壞之也今日以帖括業取士士剽一二
浮華毋論不知時務即經術亦不解為何物乃偃
然以文人名士自居劈錦為軸磨石作碑斯固吏
績之先聲也幽谷之中豈無澹臺是在風勵學官
者矣

觀省篇章聊以游意用代博奕非以教化取士之本
而諸生競利作者鼎沸其高者頗引經訓風喻之言
皆矣

蘇文表贊世幽谷受申豈無藝臺長臥風瀾學宮
然以安入谷士自其學能然仰容不計軀體固吏
復警華世端不暇執其神靈亦不難為同賦以勤
學開其之皆樂之也今亦以神其業取士士標所二
從中人士每以辛策更其世其無對棄其限蓋華
志其然潛冀官門也學勉然天下公天子休之百平

南安軍學記

蘇軾

學莫盛於東漢士數萬人噓枯吹生自三公九卿皆
折節下之三府辟召常出其口其取士議政可謂近
古○然○卒○為○黨○錮○之○禍○何○也○曰○此○王○政○也○士○自○以○其○私
意○行○之○於○下○其○禍○敗○固○宜○

黃幼玄先生曰東漢之禍實發于闔豎而談者移
咎于氣節西晉之敗實蘊于戎狄而議者歸責于
玄談氣節非鼓輕之桴玄談非勸惰之鐸而雌黃
一倡則翹招爭歸塵尾相揮而委塵共落遂使李

杜與節甫同悲。王何與劉石比酷。將毋淺中迅發者亦懷菟陸之陰蕩。軼蕭條者亦被戎狄之服乎。不然何召之速也。此兩端最是學宮積習吏治病原故。附錄於茲。

國學鄉學議

林文裕

古天子建辟雍於畿內。養老尚賢首善之地也。虞夏殷周禮殊而義一周。遷秦併教化蔑然。漢制非古。然而天祿石渠煥然。西漢蘭臺虎觀著於東京。噓煨燼之餘。辨異同之見。經學大明。鴻儒蔚起。逮及唐宋累朝。幸學崇文。顓俊視昔為盛。迄今遡流。尋源集成。歸音雲蒸霞舉。鼓吹休明。皆廣厲學官。臨雍視學之明效也。嘗慨漢武帝鬻爵開邊。至有入粟授郎為世所短。初未嘗於太學而講便宜也。正董子所謂太學賢

士所關之說耳。唐宋以選皆鄭重焉。我明駕唐軼
宋超乘兩京星布類闕於天下序國子辟官於皇
都詩書絃誦遠達華夏王侯士庶合出陶鈞師儒並
進德業交修蓋斟酌四代到隆百世無以復加邇者
官府城壕之營繕羗夷胡越之捍禦糜費不貲經權
迭奏佐大農於法外舒仰屋於一時乃使成均大治
之區以當鑄山煮海之利始稱達變卒歸因沿將
王國之典刑失尊與朝之楨幹不貴尋常自其於銅
臭特達耻列於猴冠殆非熙朝之制作鼓舞乎英

豪以鳴盛於國家者也。卽今日有不得已之役終
不可罷之費。山海虞衡儘足以供需。五材六府皆得
以通變。卽寂下見出於漢。或纍邊粟以紀功。增金繒
以遷級。惟收之武弁散之郎署。猶且稽覈能否而進
退之。大約以空縻之爵。佐軍實之儲耳。安可假養才
致賢之樞紐。舉轉徙苟且之權宜乎。先民有言。樹德
莫若滋。去病莫若盡。此之疾疾非悠悠耳。謂當清旣
往之途。新將來之美。拔郡縣鄉學之異等。歲隸於六
館。考成於司成。食餼於大官。卽古之論士於鄉升之

樂正者非耶。於是視業而差等。觀行而品題。殊常則有鄉會之賢科。循習猶先鄉而序貢。且聖駕時幸。臨雍拜老。集師儒而辨質之。國子就學而無比。回進講。御筵而不側立。是以師嚴而道尊。學修而士貴。天衢亨大。帝德懋滋。萬世無病之洪造也。若郡縣鄉學。每歲論秀。隸之學官。高下差等。而廩餼之提督。則臬司分署也。夫分署有總憲之統。尊臬藩之同寅。撫按之掣肘。提調州府一轉。卽爲同堂。節推縣令。科道所選。吹聲援故。一投百受。鄉國要津。年誼座上。巨

豪劇狡。交攻雜進。抗法不回者。有幾人。斯金玉暗啞。瓦缶雷鳴。始進不端。登途皆頗矣。故司學政當如京畿。特勅御史職。而糾劾當路之所畏憚。詭譎之不敢出者也。若學較司教。當推制科貢途分業。如國學之司成六館焉。則師隆士慎。風氣文運。當必彬彬然者。總以京師首善。國學正鄉學。因之育才之地。清登庸之後。選庶國家得人之盛。足稱慶哉。一得消效。惟天高而下聆焉。

公篇中又請天潢衍聖。並許入仕。所稱引漢劉章。

古今諸言卷四十一
劉向孔安國孔融唐李道宗廣平王倣孔穎達宋
愚昂并孔道輔仲文甚悉今已久通朝籍不復
載云

五經博士議

丘濬

漢武帝建元五年初置五經博士臣按此五經博士
之始夫五經之在漢有專門之學故當時各設博士
以掌之然不徒用以訓誥名義而已于凡朝廷政事
之有更張事體之有疑義議論之際博士皆得與焉
輒問以經義何當漢之政尚經術猶爲近古如此後
世雖設此官姑備其名焉爾誠能復漢之故事遇國
家政事之有可疑者俾文學經術之士皆得以議論
其間考古引經以爲可否之決其于明廷議政未必

無所補。

夫。正。雖。之。非。戴。育。專。門。之。學。效。實。亦。各。類。士。
 戴。冠。帝。製。六。五。平。麻。置。五。縣。紳。士。百。等。此。正。縣。紳。士。
 五。縣。紳。士。

留雍與吏部議禮

董應舉

職等承乏成均敢不靖共而謬仰于下執事願有事。
 關宮墻禮當復舊度執事必可以聽者謹布而請裁。
 歲首二丁拜聖邀寵道駕亦執事之所自致其敬于。
 聖人非本監之所宜私德者拜而不送所以專執事。
 之敬于聖人不為私也自嘉靖以前送上二門階坡。
 所以申職等之敬于執事不為諂也隆慶年間乃有。
 送至東角門者已非舊規猶曰此裏門耳年來以執。
 事就輿之便送出樞星門及集賢門外遂沿為例然。

古今諸論卷之四十一
揆之干理終覺未妥何也執事拜聖非拜本監也職
等代聖人送乎非執事之所安也若自爲送乎則儒
星門何門而乃以送迎疑非職等之所敢而亦非所
以尊執事何也執事爲拜聖而來固不欲人以非禮
之恭私效效于聖人之宮墻以自爲尊也且大老拜
畢職等止列班階左未有送上轎者院道拜畢職等
送至階坡未有送上轎者而獨以此禮奉執事疑執
事且必曰是名爲儒師者而諂曲若是沿而不改豈
爲監有人乎此職等所以皇皇洗心以求改也若曰

近例已然汝何敢易則職末品也豈敢憚一迎送之
勞然不敢違禮以取罪惟執事實義圖之夫沿近例
而可以明執事之尊沿焉可也沿近例而執事不益
尊瞻顧宮墻或以動執事不安之心意亦執事之所
欲改而有待者故敢以意請唯執事義圖之萬一降
心相從未必不爲盛德之光
可與顏魯公爭坐位書竝傳

等代聖人送平非執事之所安也。若自為送平則橘
星可與。隨魯公坐。並書並執等之所敢。而亦非所
以。財。益。未。必。不。然。盜。賊。之。來。固。不。欲。人。以。非。禮
為。也。而。亦。非。益。也。故。以。意。精。勤。特。事。美。圖。之。萬。一。利
尊。節。而。官。爵。短。以。陳。特。事。不。安。之。心。意。亦。特。事。之。所
而。可。以。相。持。事。之。尊。也。無。可。也。此。亦。而。特。事。不。益
矣。然。不。如。其。斷。以。知。罪。罪。特。事。實。美。圖。之。夫。亦。此。國
此。國。之。然。亦。何。煩。甚。限。御。未。品。也。豈。如。此。一。吸。之。

士習文體

姜逢元

王者欲強其國必以詩書禮樂欲威天下必先造士。
士氣不足則退而修其雍容之教。古者辟雍之設天
子之所自學以著教也。於是揚其翠華則舍菜而祭
警宗祖割而養老饋餉而乞言。旁皇于一日之事。詳
盡如此者。使人耳目闢而精神動。所以致其強也。故
饗奠之恭。講論之美。其柔可握而絲其道。則可以厲
威而訓武。古者出師受成於學。返獻馘焉。以為攻戰
之道。聖人知之。故出則祈其意。返而歸其功也。魯人

古今言詩卷四十一
之○歌○蒞○泮○者○其○士○則○虎○臣○其○獲○則○琛○賂○其○器○則○弓○矢○
戎○車○而○已○先○王○未○嘗○入○學○而○教○兵○士○未○嘗○加○矛○于○俎○
而○致○用○如○此○歐○子○曰○武○者○救○世○砭○劑○而○文○其○膏○梁○夫○
歐○子○則○不○知○布○和○于○臙○逐○其○瘵○蠱○也○然○昔○者○先○王○之○
於○學○也○仲○春○仲○秋○有○視○季○春○有○視○有○旦○人○有○晝○入○有○
暮○入○其○於○事○爲○習○於○士○爲○涵○泳○爲○嘒○嘒○教○成○而○材○備○
故○曰○卒○然○起○一○方○舉○統○類○而○應○之○無○所○擬○恁○此○儒○者○
之○成○也○其○後○世○父○子○相○繼○則○一○舉○之○固○已○疎○矣○然○間○
起○之○觀○則○亦○可○以○使○天○下○卹○然○而○有○待○詩○曰○鸞○飛○戾

天○魚○躍○于○淵○豈○第○君○子○選○不○作○人○此○言○士○不○飛○躍○其○
意○則○不○作○也○士○者○沈○螯○之○噐○而○飛○其○聲○氣○躍○於○文○章○
察○此○二○者○則○士○之○情○盡○見○而○可○得○矣○然○此○二○者○士○有○
二○隨○焉○運○隨○天○化○隨○國○故○以○士○之○爲○此○二○者○而○天○子○
之○情○亦○盡○見○而○可○得○矣○三○代○以○還○惟○漢○最○重○儒○學○永○
平○建○初○之○間○天○子○行○辟○雍○之○禮○上○者○秉○鐸○下○者○圖○橋○
至○化○介○冑○爲○絃○誦○披○左○帶○以○方○領○當○此○之○時○士○則○矜○
奮○而○興○氣○節○砥○植○名○行○雖○至○刳○首○不○可○得○繼○其○單○精○
厯○思○而○爲○文○章○前○則○天○人○矢○正○後○則○典○引○規○竒○及○於

諸子莫不根極理道歸於典則矣然而其國靈所蓋則大宛之蹄躑於六開。渾邪之族隸於五屬。日逐之庭列於北圉。哀牢之部綴於永昌。終漢之世首功且上也。故曰文之所加者淺。則勢之所勝者小。教之所施者博。而威之所施者廣。故曰禮者威行之道。功名之總也。若夫唐宋之季。舉其具文。辟鑽僵槐。豈可望其出火乎。我國家二雍並一天下。士喁喁然不啻游于帝庭。響其鈞樂也。今天下肅慎不庭。鬼方未克。所不足非文事也。然向者司馬與其六師。天子卽不誅

輪以蒞茲。六飛之靈雖暫止。而卽刻期來歲。非天子之脩不急也。天子則固將問鳴音于泮水矣。翠華蒞止。宮墻喜色。慮亡不小。大竝奮執事。謂其象爲鼓。爲文明而積弱之勢。將有見端於士習。文體之際者。斯不誣也。夫士之相觀成習。而相播爲文。莫弊今日矣。然皆相于弱。不相于疆也。爲士習之弊者五。舍龜觀。願一也。蚤虱之黝二也。挑達陝輸三也。不刺綉紋。倚市門四也。朋蛙聚鶴五也。舍龜觀。願者脯歆甘於齊。卿餐錢利於宋相。蚤虱之黝者。蓼盤陳而乞化。柳車

古今詩話卷四十一
結以送窮。挑達陝輪者儻態極於欽明。琴心艷於司馬。不刺綉紋倚市門者王門抱其竿瑟。主第奏其鬱輪。朋蛙聚鶴者豪心作而捲堂。怒目逢而投甕。凡若此者皆繇其宵貌莖質神不足以定其體而爲之也。爲文體之弊者五。嗜噴爲悅一也。離部野掠二也。以移面爲奪胎三也。褫其鳳羽戴其蝟皮四也。逐於狐鬼五也。嗜噴爲悅者子雲嗤靡于綉鞞。士衡誦淫乎防露。離部野掠者伯起逐草于讖緯。平子遊奕于鳥占。以移面爲奪胎者紹述聲聲於絳園。彥伯變文于

鷓鴣。褫其鳳羽戴其蝟皮者劉勰擬鷲隼之觀。郝隆窟取隅之謂。逐于狐鬼者麟篆詭少陵之秘。蛇神乞長吉之靈。凡若此者皆繇其柔弓緩繳機不足以要其約而爲之也。故是二者之所爲其兆則皆足以致夷狄之禍而使之駕則必憤轅使之行師必棄戈而走何者其神索也。李陵日軍中有女子乎。今女子之陰結于士志豈得揚哉。有數十年間官師之條。日。上詔令之戒。日下而不能革也。則庶幾於橋門觀聽之會。鏃羽相觸。翩然反之。然愚猶慮其不足以起者何

古今詩話卷之四十一
也古者成均所萃則秀士選士之所升也
高皇帝羅郡國之僑使學於天子日肄歲課學成者
界之顯職如此其貴也而今六館之英半鴻都之鬻
則是天子使卜式之執經其前而責崔烈之致身其
後猶懸牛首望其馬肉此不足以起也漢之視學其
天子自爲下說鳴叩互發於是乎開石渠虎觀進諸
儒之言稱制夾之而

高皇帝於禹謨洪範諸篇猶振響玉也一日問諸生
以習騎射望其出將入相而今天語秘於堅簧虞思
襲於重幕則是使天地閉寔而啓萬靈之蟄仲尼棄
鐸而醉七十子之心猶飲溫泉有濡無擊此不足以
起也古者取士熟其人而用之今則糊名而求其文
字古之爲文者取格于古今之爲文者取格于一代
之制凡士之禪于聖燈者皆不可以謀于王鉄則是
觀矍相之圃不可以得觶升桓榮之席不可以得車
馬猶懷三山款其遺骨此不足以起也挾此三不起
者雖天子月一臨膠六日聚徒而鼓之無益夫一日
之感淳於人心者如兔起鶻落不急逐則遂逝者也

如愚之議請必舉而更張之天子禔躬典學嚴師重
傳明教化之本以周禮三物辟召天下使士無衰志
無所冀倖而爲文辭其次則使士崇實學以六經爲
帥諸史爲兵衛士通此二者則志趣端而不詭其議
天子則以聽政之暇延見諸儒考其得失以驗其材
其次則追原祖制青青之衿不得以易上農之粟多
金之賈不得以奸胥子之倫以時起居去其敗羣以
興其行試士之文崇尚議論或發策詢時無使支離
不括如決傳鬼教然者如此則士居身之地尊致學

之功一故曰弁一而不二則近于神明參于天地如
此則懲創之意深而忠義之心發矣忠義之心發則
氣專決而神明奮故曰左執太行之猱而右搏彫扈
如此則儒者之用見於天下而將相之材出矣晉謀
置師趙衰曰卻縠可崇禮樂而說詩書故以天子之
脩明學教興賢考藝而極其致則足以俘夷馘酋者
譬燧握于掌火降于日也而廢則倂廢如蟾蜍之毀
中于螺蚌也易曰君子豹變其文蔚也詩曰羔裘豹
飾孔武有力夫豹蒙文而貢武此言士之能也此言

古詩卷之四十一
進士者。變其故。常以新。其文飾其固。陋以雄。其武也。
今海內之情。沸然日潰。而不知求之天子之教。當官
日敗。而不知端本於士之習。與文欲奮威於東西。而
不知中處。而急詩書禮樂之務。則亦何異立朝夕於
均之上。擔竿而定其末哉。

此文初未經眼。因讀倪太史請毀三朝要典疏中。
有先生閣筆一歎之語。起求而得之。嗚呼。此歎。此
文。皆千古矣。巖穴之士。不能多見。如此人。多收如
此文。此千古一大憾事也。為將奈何。為將奈何。終

